



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. D. Henr. Harphii Theologi Eruditiss. Ordinis
Minorvm, Ac Rervm Divinarvm Contemplatoris eximij.
Theologiæ Mysticæ Libri Tres**

Henricus <Herpius>

Coloniæ, 1611

De inhabitatione caliginosa sub umbra dilecti. Cap. XXIII.

urn:nbn:de:hbz:466:1-37362

Matth. 11.
Lucæ 10.

pientum huius mundi, quoniam summam hanc sapientiam attingere non valent, insipienter irrident, & per consequens Deum altissimum collatorem eius; & ideo meritò iubet eam in doctis huiusmodi minime manifestari. *Iesus autem exultans in spiritu dixit: Confiteor tibi Pater Domine cali, & terre, quia abscondisti hec à sapientibus & prudentibus, & reuelasti eparvulis. Ita Pater, quoniam sic placitum est ante te.*

John. 14.
Psalm. 79.

De inhabitatione caliginosa sub umbra dilecti. Cap. XX III.

VILO in superioribus de agnitione Dei, quam anima suscipit in imaginibus, & similitudinibus secundum modum, quo in statu viae attingere licet ad agnoscendum quid sit Deus: iam altiori consilio, graduque sublimiori inquirendum esse recet, de perfecta Dei agnitione per negationem, qua scilicet intelligitur quid Deus non est. Nam anima cum in duobus agnitionis modis iam præmissis contentari nequaquam potest, cum minimè sufficiant, nec plenam agnitionem Dei conferant, ideo relictis illis, anima dilecta totis se præcordijs subleuat ad videndum dilectum in sua nuda gloria esse, deuotis suspirijs clamitans, & dicens: *Domine, ostende nobis Patrem, & sufficie nobis.* Et iterum: *Domine ostende nobis faciem tuam, & salu erimus.* Cuisi rursus obiicitur simplex illud obiectum paternalis essentia, vbi per simplicem intuitum nudæ cogitationis, quietam inhabitacionem possidendo iam adiuuenit, quia tamen experiri iam incipit, quod omnis illa intuitiva cognitio dumtaxat in imaginibus similitudinibus versatur, veluti Deum per indumenta quædam, & non ex facie recognoscens, cum liquidò sentit, quod omnia, que per intellectum humanum, & cogitationem nudam imaginari valeat, ab ipsa veritate diuinæ essentia, in infinitum sua dissimilitudine distant: hinc protinus oculum suum intellectualem ab infinitis imaginibus corporalibus, usque ad supremas imagines diuinales denudare festinat. Nec retinere vult imagines diuinitatis, unitatis, trinitatis, bonitatis, nec sapientia, nec quidem ipsius diuinæ essentia probans luce clarius, quod hæc omnia, quantumcunque præcessa videbantur, Deum tamen in sua proprietate non representant, sed secundum modum, & mensuram humanæ comprehensibilitatis, & intelligentiae. Quapropter per nudam cogitationem suam superascendere non cessat in illam caliginosam, & informem nihilitem. Vbi nimis in quandam Dei perfectam ignorantiam constituit-

Ait enim, velut inter duas mensas, id est, duas agnitiones diuinæ veritatis, quasi fame peritura, dum ad mensam inferiorem inclinare se despicit, ubi Deus in imaginibus creatis tantummodo tenuiter, & vmbriticè cognoscitur, & diligitur: ad mensam vero superiorem, ubi Deus in nuda sua gloria essentia cognoscitur, & diligitur, adire non permittitur, quamdiu mortali suo corpore detinetur. Hoc enim & sacra Scriptura nos docet, ad Moysen dicente Domino: *Ven* Exod. 33. videbit me homo, & viuet. Et iterum Apostolus: Nec oculus vidit, nec Isa. 64. auris audivit, nec in cor hominis ascendit, que preparauit Deus diligen- 1. Cor. 2. tibus se. Et iterum: *Videmus nunc per speculum in anigate, tunc au-* 1. Cor. 13. *tem facie ad faciem.* Et Ioannes: *Charissimi, nunc filii Dei sumus, sed 1. Ioan. 3.* nondum apparuit quid erimus: cum autem apparuerit, similes ei erimus, quoniam videbimus eum sicuti est. His igitur, & similibus, non absurdè probat, quod ipsam nudam, gloriosam diuinam essentiam experimentali cognitione nequaquam attingere potest, nisi supernaturaliter, & miraculosè Deus hoc ipsum ei indulgere voluerit, & in semetipso dignativa largitate ad hoc habilitando subleuare, & illuminare placuerit, oculo illius intellectuali lumine gloria plenus glorificato, ut sic cum Psalmista in lumine eius videat lumen. Hoc est, in lumine glo- Psalm. 33. riae, quo nostra virtus intellectiva clarificabitur, & habitabitur ad gloriosam deiformem agnitionem, videbimus lumen illud gloriosum eius essentia diuinæ.

Hinc felix anima contemplationis superessentialis auida, in ipsam nudam caliginosam vacuitatem seu nihileitatem cogitationis sua coram immediata ignota gloria diuinitatis presentia, suam inhabitationem constituit, eò quod illic fine medio lumen illud gloriosum in ipsam caliginem resurgere non cessat, licet, pro pudor, eam tenebra comprehendere non possunt. Vnde Ioannes ait: *Quod factum 1. Ioan. 3.* est in ipso vita erat, & vita erat lux hominum, & lux in tenebris locet, & tenebre eam non comprehenduntur. Cuius ratio est, quia caligo illa nondum est glorificata. Dum autem aliquando glorificata fuerit, lumen in lumine comprehendet, & anima ad mensam superiorum subleuata residuebit, ubi Deum gustare valebit & bibere, hoc est, in sua nuda gloria essentia cognoscere & amare. Si tamen interim suam inhabitationem in ipsa caligine sub mensa superiori, quadam anhelosa longanimitate perseveranter possidere curauerit, velut castellus micas de mensa domini decidentes expectans. Vnde sicut ani. Matth. 13.

H h h h 4 maf.

ma fidelis & argumentosa cum Patre pridem habitationem suam in nuda simpliciique cogitatione perfecrat, præ foribus essentiæ paternalis eandem in omnibus operibus suis super omnem multiplicitatem, simplici intuitu, placidaque tranquillitate frequentissime visitans, requirens, ac possidens, ingrediens, & egrediens ad imperium dilecti, ita nunc quoque suam inhabitacionem operosius extuit, in illa caliginosa uacuæ cogitationis vacuitate sub exceilâ mensa diuinæ super effluentia, coram immediata & ignota præsentia dilecti. Licet autem in excelso posuerit nidum suum, & in tato collocaſſe videatur, nihilominus tamen semper sollicita sit, quomodo Deo magis ac magis placeat, diuinum beneplacitum semper demulcere querens, in operibus virtuosis, exercitis vigorosis, & affectibus amorosis, super omnes occupationes & multiplicitates hanc inhabitacionem continuè visitans per excessum quandam simplicem suarum cogitationum, super omnes similitudines & imagines, & super omnem nominatio nem Dei. Sic post omnem occupationem & tumultuationem secundum sui totalitatem in idipsum reuertetur, in pace requiescens, in illam * vacuitatem & caliginosam nihileitatem sua cogitationis, sicut in propriam suam inhabitacionem. Nec intelligendum est, quod ibi penitus sit otiosa, sed quoniam quandam occupationem otiosam possidet, scilicet amorosam quandam anhelationem ad videndum nudum & gloriosam faciem dilecti sui; ad sedendum, inquam, cum ceteris electis ad mensam illam supremam, ubi dilectus iuxta promissum transiens ministrabit ei. Vbi denique dilectus cibus eius erit & potus, & quicquid esuries & sitis gloriosa desiderare potest.

Anhelatio
animæ tria
complebitur.
Tad un
amoris.

i. Ioan. I.

Ceterum, hæc anhelatio amorosa in hac caligine celebrata tria simul complebitur, scilicet tedium, desiderium, & spem. Primum autem tedium quoddam complebitur in omnibus, quæ sub hac calagine continentur, quoniam ibi dilectum suum minimè reperire prævaleret, nisi in imaginibus, & similitudinibus, quem in sua proprietate videre desiderat. Hinc etiam quoddam amorosum tedium de ipsa caligine, quam inhabitare cogitur, incurrit, donec se delectus sua pictate manifestare voluerit. Non enim ignorat, quod iphius dilecti occultatio contingit ex parte proprij defectus, cum Deus in se gloriosum lumen esse dinoscitur, in quo tenebra non sunt, ut dicit Ioannes. Et ideo creatis vniuersi in seipso cognoscibilior est creaturis intellectualibus, licet ipsum agnoscere nequeant, eo quod intellectualis oculus eorum,

per lu-

per lumen naturale needum ad hoc habilitatus est, nec etiam per lumen glorie, quod semper necessarium requiritur: sicuti sol materialis creaturis vniuersis in se magis est visibilis, utpore fons ipse visibilis lucis. Veruntamen vniuersi corporales oculi illam aspicere propter nimiam claritatem non possunt, propter eorum debilitatem & inhabitatatem. Sic ergo felix anima tedium sustinet sua caliginis, quam ex seipsa causatam non ignorat.

Denique licet tecumque gaudeat super omnem imaginem, & similitudinem in hanc se condescendisse caliginem, omnemque creaturam effugisse, & super uolasse, stans in auertibili ter coram immediata presentia dilecti gloriose lumine caliginem suam illustrantis, quamvis lumen illud gloriosum eius caligo comprehendere nequeat, tedium tamen sustinet propter debilitatem, & inhabitabilem oculi sui intellectualis lumen illud capere, vel sustinerenon valentis: quo nimurum cogitur inter duas mensas famelica, & fitibunda residere.

Secundum verò est quoddam flammigerum desiderium ad gloriosam, & nudam dilecti faciem videndam, & fruendam in plenius amore. Quia numquam plenum gaudium, nisi in perfecta Dei visione, & cognitione valebit adipisci. Perite, inquit, & accipietis, ut Ioh. 16. gaudium vestrum plenum sit. Et item ait: Videbo vos, & gaudebit cor vestrum, & gaudium vestrum nemo tolleret a vobis. Cum igitur anima in hoc feruido, & penetratio desiderio coram ignotus, licet immediata Dei presentia steterit, statim recipit verbum illud absconditum, de quo dicitur in libro Iob: Porro ad me dictum est verbum absconditum, & quod si furvus suscepit auris mea venas susurrus eius, id est, occultissimas insirations alloquentis Verbi, quod est Filius Dei Christus Iesus sapientia Patris qui, ut dicit Iob, absconditus est ab oculis omnium uiuentium. Hoc Verbum anima amorosè dulci susurrio loquitur in ipsa caligine sua cogitationis ipse Pater in illa caligine cum Filio, & Spiritu sancto inhabitans, sicut promiserat Christus, dicens: Ad eum veniemus, & mansioem apud eum faciemus. Ibi denique Verbum suum loquitur, non in imaginibus, vel similitudinibus, que procul funditus eliminata sunt, sed in sua gloriose luce, licet ipsi anima Verbum hoc absconditum maneat: quia quamvis lux ipsa luceat in tenebris, tenebrae tamen eam comprehendere non possunt. De quo Verbo diuino dicit Sapiens: Cum quietum silentium contineret omnia, & nox in cursu suo medium ster haberet, omnipotens Seruus tuus exiliens de celo a regalibus se mysticum.

dibus venit.. In caligine quippe cogitationis tenent omnes *creariæ silentium*, vbi caliginosa nox suum cursum habere dimicatur, id est, si tum suum in hac vita, quæ tota cursus quidam est. In media vero vita cursus huius, inter Deum scilicet, & creaturam, mensam superiorem, & inferiorem, aduenit *omnipotens Sermo diuinus à regalibus sedibus paterni cordis*, quo scilicet dulce susurrium infert auribus dilecta *sux diuinorum inspirationum*, quibus eam vigilem reddit, ne in ipsa caligine pœnæ tædio dormiat, desiderijs otiosa, & amore tepida.

Spes secunda. Tertium autem est spes secura, quam anima ex occultissimo susurrio paterni verbi meretur adipisci. Nam ut cæcus à natu iuitate, quideciderio flagrat ad videndum exteriorem visibilem omnium creaturarum ornatum, quem quia nunquam vidit, quicquid illi de huiusmodi dicitur cum desiderio quidem, sed sine imaginibus, & similitudinibus recipit, cum in se quæ nunquam vidit, nequaquam formare potest: sic felix anima venas suscipit diuini susurrij auribus quidem desideriorum suorum, sed sine imaginibus, & similitudinibus, quia susurrum illud incomprehensibilem gloriam diuinae essentiae multisarijs demulcionibus eidem inspirat, de qua nunquam perfectam imaginem habuit, vel habere velit: quia duntaxat nudam gloriosam diuinam essentia in se ipsa, & cum se ipsa videre desiderat, quomodo, & quando dilecto illam sua pietate manifestare placuerit.

Caterum, licet tamen hoc statu in ea creaturæ vniuersa silere cogantur, ipsa tamen minimè sibi ipsi silentium indicere potest, non cessando viscerosis desiderijs dulcia susurria cum dilecto inuicem frequentare, eumque nunc pijs argumentationibus, nunc gratiarum actionibus, nunc amorosis aspirationibus conueniens, & alloquens. Qued utique susurrum, licet sine verbis & imaginibus celebretur, nec percipere quis potest, nisi ipse dilectus, & dilecta, dicente sponsa: *Dilectus meus mibi, & ego illi: nos tamen pro modulo nostro balbutiendo colloquium illud dulcissimum prosequamur*, quibusdam dissimilibus similitudinibus. Nam inspiratum Dei verbum in sua ruda cogitatione loquitur animæ, dicens: *Ego sum alpha, & omega, hoc est, principium, & finis omnium creaturarum, essentiale bonum earum, ac perfecta beatitudo, vnicuique iuxta modum, & capacitatem sue nature: plenitudo sum immensarum aeternarum diuiniarum gratiarum, & gloriæ, quas nec oculis vidit, nec auris audiuit, quas præparauit diligenter*

Apocal. 1.

**Isaie 64.
1.Cor. 9.**

gentibus me, vt satientur & inebrientur ab ubertate domus meæ. Cui
felix anima dulci susurrio desideriorum suorum responderet: O quam
beati qui edunt, & bibunt ad mensam tuam Domine, quoniam te luci-
de cognoscunt, iucundè laudant, magnificè gratias agunt, ardenter
diligunt, & te fruuntur in letitia, & exultatione. Ego autem hic fame *Lucæ 15.*
crucior, pœiesta in cinere, & caligine, & lumen cali non video. Sitio
te clara cognoscere. Esurio te periesse diligere, nec desiderium meum
adipisci valeo. Obscurio Domine, si inuenis gratiam in oculistuis, ostendit *Exod. 33.*
de mihi faciem tuam. Quid enim mihi est in celo? & a te quid volvi super *Psalm. 72.*
terram? Cui rursum Dominus: Ostendam tibi omne bonum, ostendam *Exod. 32.*
tibi faciem meam: veruntamen non hac vita, quia non videbit me ho-
mo, & vinet. Futuri temporis est, quod petis, non presentis. Nunc in-
struuntur sponsalia, parantur impensa, insillitur ornatui, paratur
amplexus, sed in futurum reseruatur mutus & fruitionis desideratissi-
mus complexus. Ad quod illa: Ecce ancilla Domini, fiat mihi secundum *Lucæ 1.*
verbum tuum. Peto Domine, vt verbum tuum fiat sicut sacrificium ve- *Psalm. 140.*
sperrimum. Et ego requiescens in spe, veluti catellus Domini mei, sub
mensa perseverabo patiens & sustinens, ut saltem de misericordia eius vrcun-
que iustitari valeam, cum sponsa dicente: Sub umbra illius quem desi. *Cantic. 2.*
derabam sedi, & fructus eius dulcis gutturi meo. Et iterum: Meliora sum *Cantic. 3.*
überata tua vino, fragrantia vnguentis optimis, id est, quia amerosum fu-
surrium tuum, & spes secura, quibus me paseere, & consolari digne-
ris, mihi meliora sunt, & dulciora, imaginativa cognitione, magisque
sapientia, & fragranzia, super oblationem omnis intellectualis ima-
ginationis. Ideo ceteris refutatis überatnx fidelitatis & consolationis,
velut fructus huius umbre requirere non desinan, donec aspiret dies,
& inclinentur umbras. Veruntamen dilectus meus interim saltem
osculetur me osculo oris sui, quoniam in tenebris conuenienter osculari *Cantic. 4.*
potest, licet videri non ita. Tunc Pater misericordiarum, qui tribuit *Jacob. 1.*
omnibus abundanter, & non improperebat, dulciter se inclinat, ut oscu-
lum conferat, id est, immediatam suam ignoram præsentiam ad a-
mandum pro sua prodigalitate funditus exponit. Ac anima illico
suspensis susurrijs, & desiderijs vniuersis, os suum, nudam, cilicet, &
simplicem suam præsentiam in Deum proclinat amorosa quadam
profundatione suis ipsius. Ibi que se inuicem osculantur Detis, & ani-
ma, quoniam ipsa sine medio Deo coniungitur in unitatem amoris, &
feliciter deificatur secundum diuinitatis totalitatem, prout videbi-
tur in capite sequenti.